



Boletin informativo Konèchi



Konèchi di Kòrsou -

Sylvilagus floridanus nigronuchalis

Tempu ku e Spañólan a deskubrí Kòrsou na 1499, huntu ku e isla nan a deskubrí indjan, e habitantenan original di Kòrsou. E hendenan akí tabatin sentenario di añanan bibá riba e isla. Poesianan di e tempu ei a deskribí kon e indjannan tabata biba akí entre otro di marisko i otro bestia di laman i diferente mata. Tin biaha e indjannan akí tabata tira konèchi ku nan tabata haña den e vegetashon será. Esei ta e tipo di konèchi ku awendia ainda nos por topa ora kana den mondi.

Prinsipalmente den e oranan tempran di mainta òf den e oranan lat di atardi e chèns ta grandi ku bo por topa un konèchi di Kòrsou. Delegá i chikí manera e ta, kasi e no ta hala atenshon entre e rama i takinan di e matanan den mondi. Su patronchi di koló ta perfekto komo protekshon kontra bestia feros, pues un kamuflahe perfekto. Tur hende ta yama e bestia akí konèchi. Tòg e bestia akí no ta e simpel konèchi ku e parse. En realidat e no ta un konèchi mes.



*Mas informashon di e departamentu di ENM
(Edukashon di Naturalesa i Medioambiente) di
Carmabi riba:*

Wèpsait: www.carmabi-educatie.org

Facebook: [carmabi NME education](https://www.facebook.com/carmabiNMEeducation)

Instagram: [carmabi nme](https://www.instagram.com/carmabi_nme)





Boletin informativo Konènnchi

Cottontails

E konènnchi di Kòrsou no ta un konènnchi. Sientífikonan a deskubrí ku e bestia akí ta mas famia di has òf manera nan yama na ulandes, 'hazen'. Na ingles nan tin un nòmber spesial pa e grupo di bestia akí: cottontails. Ni na ulandes ni na papiamentu tin un nòmber spesial pa e sorto akí. Natural ta basta opvio dikun e konènnchi a haña e nòmber 'cottontail'. Un di su karakterístikanan ta naturalmente e rabu blanku blanku ku e ta hisa ora e kore. E bestia ta bira mas o menos 35 sèntimeter largu i tin un koló manera maron. E kabeinan tin tres koló. E parti abou di e kabei ta koló bèzj, mei mei e ta manera hel i na e puntanan kasi semper ta pretu. Tambe e konènnchi tin un mancha grandi pretu na su lomba ku ta kuminsá entre su oreanan i ta sigui te na su lomba.



Dikon mi kamuflahe ta asina bon?

E barika di e bestia akí ta blanku, meskos ku e parti abou di su rabu. Pero awor, kiko presis ta e diferensia entre e cottontail i un konènnchi mes? E cottontail ta hopi mas chikí ku un konènnchi mes. Ademas, e ta mas largu i mas delegá. Cottontails por kore hopi mas duru ku un konènnchi 'normal' i por sprint sin problema i kore dal bògt pa di skapa nan enemigunan natural manera Warawara, ku hopi bes tin basta gana den un pia di konènnchi.



Bo tabata sa ku ...?

Pa muchanan sabí ku ke sa mas tin hopi mas informashon, video i plachi pa klùr riba nos wèpsait. Òf mas leuk ainda; bishitá nos Marine Education Center na Carmabi Piscadera!



Boletin informativo Konèncchi

Kustumbènan i kustumber alimentisio

Otro diferensia entre e cottontail i un konèncchi 'normal' ta e manera ku nan ta haña yu. Tur dos sorto ta pertenesé naturalmente na e grupo di mamífero. Mamífero ta animalnan ku ta pari yu bibu. Nan no ta pone webu, pero ta haña yu ku ta hala rosea i move. Meskos ku hende. Ora e yunan nase nan ta asina chikí i frágil ku nan mama mester sòru pa nan i mester duna nan lechi te ora nan bira grandi i tin suficiente tinu pa nan mes por sigui nan kaminda den mundu. E konèncchi 'normal' ku nan sa bende den pètshòp òf ku tin den naturalesa na Oropa ta koba buraku bou di tera den kua e ta haña su yunan. Tin bia e burakunan akí por sigui bai te hopi meter bou di tera, te ku e lo por a koba henter un bungalow ku hopi kamer. Den un di e kambènan akí e ta haña su yunan e orei ku lo krese akiden. Nos cottontail no ta hasi esei. Ora e muhé mester haña yu e ta koba un buraku chikí den tera ku e ta tapa ku un tapeit di blachi seku i kabei ku e ta ranka for di su palu di garganta. Ora e yunan nase, e mama ta bai laga e nèshi frekuentemente pa bai buska kuminda. Ora e ta bai, e ta tapa e nèshi ku un kantidat di blachi grandi. Asina ta mas difísil pa enemigunan haña e nèshi i e yunan. Tin biaha e ta usa blachi di manzaliña pa tapa e nèshi. Hende ku pa kasualidat pasa banda di e nèshi tambe lo mester wak hopi bon pa e por haña e nèshi.



Bo tabata sa ku ...?

E cottontail ku nos konosé na nos isla, ta mashá úniko. Niun otro kaminda na mundu tin unu manera esun ku nos konosé. P'esei nos ta yama e sorto di bestia akí endémiko. Pues, esei ta nifiká ku e bestia akí no ta paresé niun otro kaminda manera esun akí.

El a bira un berdadero Yu di Kòrsòu. P'esei ta hopi importante pa nos protehá i konservá e bestia akí. Den parkenan di naturalesa manera Parke Kristòfel ta protehá e bestianan akí bon. Eiden no ta pèrmití pa yag riba nan.

Solamente, no tin lei ainda ku ta protehá e bestianan akí ofisialmente.



Boletin informativo Konèncchi



Orígen

Pero di unda e konèncchi ta bin? E no a paresé di su mes riba nos isla. Nos ta rondoná di awa. I maske nos ta basta serka di Venezuela i Aruba, tòg nos ta muchu leu for di otro pa por pensa ku e bestia lo por a landa bin e isla. Imaginá bo ku un bestia chikitu manera e konèncchi lo mester a landa henter e distansia for di Venezuela pa por yega Kòrsou. Esta, si nan gusta awa mes. Nò, tin un splikashon hopi mas komprendibel pa kon e konèncchi akí por a yega nos isla. Nos a konta kaba ku tempu ku e Spañólan a deskubrí Kòrsou na 1499, nan a deskubrí indjan tambe riba e isla. E indjannan tabata yag entre otro riba konèncchi ku tabata biba den mondi di e isla. Ta práktikamente sigur ku e indjannan akí, ku originalmente a bin di Venezuela i a nabegá bini e islanan, lo a bin ku e konèncchinan akí for di Venezuela i laga nan lòs akinan. E bestianan a gusta akinan i a kuminsá reproducí di moda ku e indjannan tabatin suficiente pa kome. Ainda tin un sorto di konèncchi na Venezuela (un cottontail) ku parse nos konèncchi mashá.

Kamuflahe

Manera a bisa kaba, por mira e konèncchinan akí prinsipalmente den oranan tempran di mainta òf den oranan lat di atardi, ora nan ta buska kuminda. Den dia e bestia ta skonde bou di mata òf den burakunan den mondi. E ta tene su kurpa plat na suela pa niun hende òf bestia por mir'é. I e orei e koló di su kabeinan tambe ta hunga un ròl grandi, pasó ora e bestia ta drumí asina plat kontra suela e tin presis e koló di e tera. Te ainda e konèncchi ta paresé riba henter e isla.





Boletin informativo Konènnchi

Reprodukshon

Mayoria bes ora un cottontail haña yu, e sa pari dos yu. Tin biaha sa sosodé ku nan por ta tres. Ora e yunan nase nan ta siegu i surdu. Kontrali na yunan di raton ku ta nase sin niun kabei i ros, yunan di cottontail ya tin tur nan kabeinan ora nan nase. E wowo i oreanan a ta será. Despues di mas o menos un siman i mei e wowonan ta habri i e yunan ta kuminsá wak rònt. E oreanan tambe ta kuminsá funshoná. Normalmente e yunan no sa hasi kasi niun zonido, solamente ora nan tin hamber di bèrdat. E or'eí nan ta gruña un tiki. No ta 1 bes pa aña so Cottontails por haña yu; nan por haña yu durante henter aña. Algun por tin un nèshi te asta 3 òf 4 bes pa aña. I e muhé mes ta sòru pa tur su yunan pasó e tata no t'eí mes durante nasementu i kriansa di e yunan.

Bo ke sa mas tokante e konènnchi di Kòrsou?

Purba sigui buska e informashonnan ku tin aki bou riba internet.

- Konènnchi tambe ta di sanger kayente meskos ku tur otro mamífero.
- Konènnchi ta herbívoro i ke men e ta kome mata.
- Nos ta yama mata 'produsente', komo nan ta traha oksígeno. Nan ta usa energia solar pa traha oksígeno.

Gosa hopi ora bo buska i lesa mas informashon.

Komementu!

Hopi biaha ta asina ku ora pensa riba konènnchi ta pensa mesora riba e bestia ku ta kome wòrtel, pasó tur konènnchi ta kome wòrtel. Na Kòrsou no tin masha wòrtel den mondi i kasi sigur e bestianan no gusta wortel mes. E cottontail ta kome prinsipalmente blachi yòn di mata i yerba. Pero nan gusta e bonchinan hel largu di indju tambe mashá i e bonchinan pretu largu di wabi. Ademas nan sa gusta un blachi djusi di e infrou. Sin paga tinu riba e sumpiñanan nan ta guli e parti djusi di e blachi manda abou. Infrou no solamente ta importante pa nan komo e ta yen di vitamina, pero tambe komo e blachi djusi aki ta yen di awa. I sigur riba un isla manera di nos, kaminda awaseru no sa kai masá, ta mashá importante ku e infrounan aki t'eí, pa asina e konènnchi por haña suficiente líkido. Tambe ta asina ku e djentenan di un konènnchi ta krese nòn-stòp.

Si e bestia no morde kos fuerte i duru, manera taki i tronkon, su djentenan por bira asina largu ku e bestia ta haña herida den su boka. Ademas, dor di kou e blachi di infrou, e bestia ta sleip i limpia su djentenan.

*My family from
Curacao don't eat
carrots? they can't
be family then*

